

Allahu i Lartësuar thotë në Kur'an:

Ne e kemi zbritur (Kuranin) në Natën e Kadrit. E kush mund të ta shpjegojë ty se ç'është nata e Kadrit? Nata e Kadrit është më e mirë se njëmijë muaj.

Engjëjt dhe Shpirti (Xhebraili), me lejen e Zotit të tyre, zbresin në këtë natë, me të gjitha

vendimet. Paqe është ajo deri në lindjen e agimit. [Sureja el-Kadr: 1-5]

Ndërsa, i Dërguari i Allahut, Muhammedi, paqja dhe bekimi i Allahut qofshin mbi të, ka thënë:

“Atij që falet në Natën e Kadrit me besim dhe duke llogaritur në shpërblim, do t'i falen mëkatet e kaluara.” [Muttefekun alejhi]

“Ju erdhi ky muaj, në të cilin gjendet një natë që është më e mirë se njëmijë muaj, ai që privohet nga ajo natë ai është privuar nga çdo e mirë, dhe pa dyshim se nga ajo nuk privohet përveçse ai që është vërtet i privuar.” [Hadithin e ka transmetuar Ibën Maxheja, kurse Mundhiriu e ka cilësuar si hadith “sahih” (i shëndoshë)]

Po qe se dëshiron të ngadhënjesh në Natën e Kadrit, atëherë duhet të bësh përpjekje në dhjetë netët e fundit, dhe jo vetëm në disa prej tyre, siç veprojnë shumë njerëz të cilët bëjnë përpjekje vetëm në natën e njëzeteshtatë, meqë sipas mendimit më të saktë Nata e Kadrit zhvendoset në dhjetë netët e fundit.

Shkëputur nga: “Jeumijat saimetin” (Hakibetu saimat) – të autorëve dr. Adil Esh-Shiddi dhe dr. Ahmed El-Mezjed

Përktheu: Jusuf H. Kastrati